

是說
如是我聞一時佛住王舍城迦蘭陀竹園尔
時世尊告諸比丘若有衆生無足二足四足
多足色無色想無想非想非非想於一切如
來最第一乃至聖戒亦如是說

如是我聞一時佛住王舍城迦蘭陀竹園尔

時世尊告諸比丘若諸世間衆生所作彼一
切皆依於地而得建立如是一切法有為無

爲離貪欲法最爲第一如是廣說乃至聖戒
亦如是說佛說此經已諸比丘聞佛所說歡
喜奉行

如是我聞一時佛住王舍城迦蘭陀竹園尔

時世尊告諸比丘若諸世間衆生彼一切皆
依於地而得建立如是一切諸衆如來聲聞
衆最爲第一如是廣說乃至聖戒佛說此經
已諸比丘聞佛所說歡喜奉行

十九末

雜阿含經卷第三十一

流一

雜阿含經卷第三十二

宋天竺三藏求那跋陀羅譯

流二

如是我聞一時佛住王舍城迦蘭陀竹園尔
時尊者摩訶迦葉尊者舍利弗住耆闍崛山
中時有衆多外道出家詣尊者舍利弗與尊
者面相問訊慰勞已退坐一面語尊者舍利

林義

弗言云何舍利弗如來有後生死耶舍利弗
言諸外道世尊說言此是無記又問云何舍
利弗如來無後生死耶舍利弗答言諸外道
世尊說言此是無記又問舍利弗如來有後
生死無後生死耶舍利弗答言世尊說言此
是無記又問舍利弗如來非有後生死非無

癡反糢糢恭刺反七賜反輔音炎電上音金音
粟上音陳粟良一反吒竹嫁反瘀於去反脹知向反疊牒音袂俱音
翅施智瑕穢上音訊音信洲渚下之音涕音滯音渺牒音
少上息反籌直流反羅洩下音逮代莖戶耕反

後生死耶舍利弗答言諸外道世尊說言此是無記諸外道出家又問尊者舍利弗云何所問如來有後生死無後生死有後無後非有後非無後一切答言世尊說言此是無記云何爲上座如愚如癡不善不辯如嬰兒無自性智作此語已從座起去尔時尊者摩訶迦葉尊者舍利弗相去不遠各坐樹下晝日

禪思尊者舍利弗知諸外道出家去已詣尊者摩訶迦葉所共相問訊慰勞已退坐一面以向與諸外道出家所論說事具白尊者摩訶迦葉尊者摩訶迦葉何因何緣世尊不記說後有生死後無生死後有後無非有非無

生死耶尊者摩訶迦葉語舍利弗言若說如來後有生死者是則爲色若說如來無後生死是則爲色若說如來有後生死無後生死是則爲色若說如來非有後非無後生死是則爲色如來者色已盡心善解脫言有後生死者此則不然無後生死有後無後非有後

非無後生死此亦不然如來者色已盡心善解脫甚深廣大無量無數寂滅涅槃舍利弗若說如來有後生死者是則爲受爲想爲行爲識爲動爲慮爲虛誑爲有爲爲愛乃至非有非無後有亦如是說如來者愛已盡心善解脫是故說後有者不然後無後有無後非

有非無者不然如來者愛已盡心善解脫甚深廣大無量無數寂滅涅槃舍利弗如是因如是緣故有問世尊如來若有若無若有無若非有非無後生死不可記說時二正士共論議已各還本處如是我聞一時佛住舍衛國祇樹給孤獨園尔時尊者摩訶迦葉住舍

流二

二

林

衛國東園鹿子母講堂晡時從禪覺往詣佛所稽首禮足退坐一面白佛言世尊何因何緣世尊先爲諸聲聞少制戒時多有比丘心樂習學今多爲聲聞制戒而諸比丘少樂習學佛言如是迦葉命濁煩惱濁劫濁衆生濁見濁衆生善法退減故大師爲諸聲聞多制

禁戒少樂習學迦葉譬如劫欲壞時真寶未滅有諸相似僞寶出於世間僞寶出已真寶則沒如是迦葉如來正法欲滅之時有相似像法生相似像法出世間已正法則滅譬如大海中船載多珍寶則頓沉沒如來正法則不如是漸漸消滅如來正法不爲地界所壞

不爲水火風界所壞乃至惡衆生出世樂行諸惡欲行諸惡成就諸惡非法言法法言非法非律言律律言非法以相似法句味熾然如來正法於此則沒迦葉有五因緣能令如來正法沉沒何等爲五若比丘於大師所不敬不重不下意供養於大師所不敬不重不下意供養已然復依倚而住若法若學若隨順教若諸梵行大師所稱歎者不敬不重不下意供養而依止住是名迦葉五因緣故如來正法於此沉沒迦葉有五因緣令如來法律不沒不忘不退何等爲五若比丘於大師所恭敬尊重下意供養依止而住若法若學

流二

三

林

若隨順教若諸梵行大師所稱歎者恭敬尊重下意供養依止而住迦葉是名五因緣如來法律不沒不忘不退是故迦葉當如是學於大師所當修恭敬尊重下意供養依止而住若法若學若隨順教若諸梵行大師所讚歎者恭敬尊重下意供養依止而住佛說是

經已尊者摩訶迦葉歡喜隨喜作禮而去如是我聞一時佛住王舍城迦蘭陀竹園時有遮羅周羅那羅聚落主來詣佛所面前問訊慰勞問訊慰勞已退坐一面白佛言瞿曇我聞古昔歌舞戲笑者年宿士作如是說若伎兒於大衆中歌舞戲笑作種種妓令彼大衆歡樂喜笑以是業緣身壞命終生歡喜天於此瞿曇法中所說云何佛告聚落主且止莫問此義如是再三猶請不已佛告聚落主我今問汝隨汝意答古昔此聚落衆生不離貪欲貪欲縛所縛不離瞋恚瞋恚縛所縛不離愚癡愚癡縛所縛彼諸伎兒於大衆座中

種種歌舞嬉戲令彼衆人歡樂喜笑聚落主當其彼人歡樂喜笑者豈不增長貪恚癡縛耶聚落主白佛言如是瞿曇聚落主譬如有人以繩反縛有人長夜以惡心欲令此人非義饒益不安不樂數數以水澆所縛繩此人被縛豈不轉增急耶聚落主言如是瞿曇

佛言聚落主古昔衆生亦復如是不離貪欲瞋恚癡縛緣彼嬉戲歡樂喜笑更增其縛聚落主言實爾瞿曇彼諸伎兒令其衆生歡樂喜笑轉增貪欲瞋恚癡縛以是因緣身壞命終生善趣者無有是處佛告聚落主若言古昔伎兒能令大眾歡樂喜笑以是業緣生

伎兒輩所見欺詐言大衆中作諸伎樂乃至生歡喜天我今定思云何伎兒歌舞嬉戲生歡喜天瞿曇我從今日捨彼伎兒惡不善業歸佛歸法歸比丘僧佛言善哉聚落主此真實要爾時遮羅周羅那羅聚落主聞佛所說歡喜隨喜頂禮佛足歡喜而去

如是我聞一時佛住王舍城迦蘭陀竹園尔時戰鬪活聚落主來詣佛所恭敬問訊問訊已退坐一面白佛言瞿曇我聞古昔戰鬪活耆年宿士作是言若戰鬪活身被重鎧手執利器將士先鋒堪能方便摧伏怨敵緣此業報生箭降伏天於瞿曇法中其義云何佛告戰鬪活且止莫問此義如是再三問亦再三止之猶問不已佛告聚落主我今問汝汝意答聚落主於意云何若戰鬪活身被甲胄為戰士先鋒堪能方便摧伏怨敵此人豈不落主白佛言瞿曇我不以瞿曇說故而悲泣也我自念昔來云何爲彼愚癡不辯不善諸

鬪活有三種惡邪若身若口若意以此三種惡邪因緣身壞命終得生善趣箭降伏天者無有是處佛告聚落主若古昔戰鬪活耆年宿士作如是見作如是說若諸戰鬪活身被甲胄手執利器命敵先登堪能方便摧伏怨敵以是因緣生箭降伏天者是則邪見邪見

流二

五

林

之人應生二處若地獄趣若畜生趣說是語時彼聚落主悲泣流淚佛告聚落主以是義故我先再三語汝且止不爲汝說聚落主白佛言我不以瞿曇語故悲泣我念古昔諸鬪戰活耆年宿士愚癡不善不辯長夜欺誑作如是言若戰鬪活身被甲胄手執利器命敵先登乃至得生箭降伏天是故悲泣我今定思諸戰鬪活惡業因緣身壞命終生箭降伏天者無有是處瞿曇我從今日捨諸惡業歸佛歸法歸比丘僧佛告聚落主此真實要時戰鬪活聚落主聞佛所說歡喜隨喜即從座起作禮而去

如是我聞一時佛住王舍城迦蘭陀竹園時有調馬聚落主來詣佛所恭敬問訊退坐一面尔時世尊告調馬聚落主調伏馬者有幾種法聚落主答言瞿曇有三種法何等爲三謂一者柔軟二者剛強三者柔軟剛強佛告聚落主若以三種法馬猶不調當如之何聚落主言便當殺之聚落主白佛言瞿曇無上調御丈夫者當以幾種法調御丈夫佛告聚落主我亦以三法調御丈夫何等爲三一者柔軟二者剛強三者柔軟剛強聚落主白佛瞿曇若三種調御丈夫猶不調者當如之何佛言聚落主三事調伏猶不調者便當殺之所以者何莫令我法有所屈辱調馬聚落主白佛言瞿曇法中殺生者不淨瞿曇法中不應殺而今說言不調伏者亦當殺之佛告聚落主如汝所言如來法中殺生者不淨如來不應有殺聚落主然我以三種法調御丈夫彼不調者不復與語不復教授不復教誡聚

落主若如來調御丈夫不復與語不復教授
不復教誡豈非殺耶調馬聚落主白佛言瞿
曇若調御丈夫不復與語不復教授不復教
誡真爲殺也是故我從今日捨諸惡業歸佛
歸法歸比丘僧佛告聚落主此真實要佛說
此經已調馬聚落主聞佛所說歡喜隨喜即

流二

六林

從座起作禮而去

如是我聞一時佛住王舍城迦蘭陀竹園時
有兎惡聚落主來詣佛所稽首佛足退坐一
面白佛言世尊不修何等法故於他生瞋恚

生瞋恚故口說惡言他爲其作惡性名字

告聚落主不修正見故於他生瞋恚已

定故於他生瞋生瞋恚故口說惡言他爲我
作惡性名字是故我今當捨瞋恚剛強鹿灑
佛告聚落主此真實要佛說此經已兎惡聚
落主歡喜隨喜作禮而去

如是我聞一時佛住王舍城迦蘭陀竹園時
有摩尼珠髻聚落主來詣佛所稽首佛足退

流二

七

林

口說惡言他爲其作惡性名字不修正志正
語正業正命正方便正念正定故於他生瞋
生瞋恚故口說惡言他爲其作惡性名字復
問世尊修習何法於他不瞋不瞋恚故口說
善言他爲其作賢善名字佛告聚落主修正
見故於他不瞋不瞋恚故口說善言他爲其

作賢善名字修習正志正語正業正命正方
便正念正定故於他不瞋不瞋恚故口說善
言他爲其作賢善名字兎惡聚落主白佛言
奇哉世尊善說此言我不修正見故於他生
瞋生瞋恚已口說惡言他爲我作惡性名字
我不修正志正語正業正命正方便正念正
定故於他生瞋生瞋恚故口說惡言他爲我
作惡性名字是故我今當捨瞋恚剛強鹿灑
佛告聚落主此真實要佛說此經已兎惡聚
落主歡喜隨喜作禮而去

如是我聞一時佛住王舍城迦蘭陀竹園時
有摩尼珠髻聚落主來詣佛所稽首佛足退

林

坐一面白佛言世尊先日國王集諸大臣共
論議言云何沙門釋子比丘自爲受畜金銀
寶物爲淨耶爲不淨耶其中有言沙門釋子
應受畜金銀寶物又復有言不應自爲受畜
金銀寶物世尊彼言沙門釋子應自爲受畜
金銀寶物者爲從佛聞爲自出意說作是語

者爲隨順法爲不隨順爲真實說爲虛妄說如是說者得不墮於呵責處耶佛告聚落主此則妄說非真實說非是法說非隨順說墮呵責處所以者何沙門釋子自爲受畜金銀寶物者不清淨故若自爲己受畜金銀寶物者非沙門法非釋種子法聚落主白佛言奇

哉世尊沙門釋子受畜金銀寶物者非沙門法非釋種子法此直實說世尊作是說者增長勝妙我亦作是說沙門釋子不應自爲受畜金銀寶物佛告聚落主若沙門釋子自爲受畜金銀珍寶清淨者五欲功德悉應清淨摩尼珠髻聚落主聞佛所說歡喜作禮而去

尔時世尊知摩尼珠髻聚落主去已告尊者阿難若諸比丘依止迦蘭陀竹園住者悉呼令集於食堂時尊者阿難即受佛教周遍宣令依止迦蘭陀竹園比丘集於食堂比丘集已往白世尊諸比丘已集食堂惟世尊知時爾時世尊往詣食堂大衆前坐坐已告諸比

丘今日有摩尼珠髻聚落主來詣我所作如是言先日國王集諸大臣作如是論議沙門釋子自爲受畜金銀寶物爲清淨不其中有言清淨者有言不清淨者今問世尊言清淨者爲從佛聞爲自妄說如上廣說彼摩尼珠髻聚落主聞我所說歡喜隨喜作禮而去諸

比丘國王大臣共集論議彼摩尼珠髻聚落主於大衆前師子吼說沙門釋種子不應自爲受畜金銀寶物諸比丘汝等從今日須木索木須草索草須車索車須作人索作人慎勿爲己受取金銀種種寶物佛說此經已諸比丘聞佛所說歡喜奉行

流二

八

林

如是我聞一時佛住瞻婆國揭伽池側時有王頂聚落主來詣佛所稽首佛足退坐一面爾時世尊告王頂聚落主今者衆生依於二邊何等爲二一者樂著卑下田舍常人凡夫五欲二者自苦方便不正非義饒益聚落主有三種樂受欲樂卑下田舍常人凡夫有三

種自苦方便不正非義饒益聚落主何等爲
三種卑下田舍常人凡夫樂受欲樂有受欲
者非法濫取不以安樂自供不供養父母給
足兄弟妻子奴婢眷屬朋友知識亦不隨時
供養沙門婆羅門仰求勝處安樂果報未來
生天是名世間第一受欲復次聚落主受欲
樂者以法非法濫取財物以樂自供供養父
母給足兄弟妻子奴婢眷屬朋友知識而不
隨時供養沙門婆羅門仰求勝處安樂果報
未來生夫是名第二受欲樂者復次聚落主
有受欲樂者以法求財不以濫取以樂自供
供養父母給足兄弟妻子奴婢眷屬知識隨
時供養沙門婆羅門仰求勝處安樂果報未
來生天是名第三受欲樂者聚落主我不一
向說受欲平等我說受欲者是其人卑下我說
受欲者是其中人我說受欲者是其勝人何
等爲卑下受欲者謂非法濫取乃至不仰求
勝處安樂果報未來生天是名我說卑下者

流二

九

林

受欲何等爲中人受欲謂受欲者以法非法
而求財物乃至不求未來生天是名我說第
二中人受欲何等爲我說勝人受欲謂彼以
法求財乃至未來生天是名我說第三勝人
受欲何等爲三種自苦方便是苦非法不正
非義饒益有一自苦枯槁活初始犯戒汙戒
彼修種種苦行精勤方便住處住彼不能現
法得離熾然過人法勝妙知見安樂住聚落
主是名第一自苦方便枯槁活復次自苦方
便枯槁活始不犯戒汙戒而修種種苦行亦
不由此現法得離熾然過人法勝妙知見安
樂住是名第二自苦方便枯槁活復次自苦
方便枯槁活不初始犯戒汙戒然修種種苦
行方便亦不能現法離熾然得過人法勝妙
知見安樂住是名第三自苦方便枯槁活聚
落主我不說一切自苦方便枯槁活悉等我
說有自苦方便是卑劣人有說自苦方便是
中人有說自苦方便是勝人何等自苦方便

卑劣人若彼自苦方便初始犯戒汙戒乃至不得勝妙知見安樂住是名我說自苦方便卑劣人何等爲自苦方便中人若彼自苦方便不初始犯戒汙戒乃至不得勝妙知見安樂住是名我說自苦方便中間人何等爲自苦方便勝人若彼自苦方便枯槁活不初始

犯戒汙戒乃至不得勝妙知見安樂住是名我說自苦方便勝人聚落主是名三種自苦方便是苦非法不正非義饑益聚落主有道有跡是向三種受欲隨順方便卑下田舍常人凡夫不向三種自苦方便是苦非法不正非義饑益聚落主何等爲道何等爲跡不向

三種受欲三種自苦方便聚落主爲欲貪障礙故或欲自害或欲害他或欲俱害現法後世得斯罪報心法憂苦瞋恚所障或欲自害或欲害他或欲俱害現法後世得斯罪報心法憂苦若離貪障不欲方便自害害他自己俱害不現法後世受斯罪報彼心法常

流二

十

林

受喜樂如是離瞋恚愚癡障礙不欲自害不欲害他自他俱害不現法後世受斯罪報彼心法常受安樂於現法中遠離熾然不待時節親近涅槃即此身現緣自覺知聚落主如此現法永離熾然不待時節親近涅槃即此現身緣自覺知者爲八聖道正見乃至正定當其世尊說是法時王頂聚落主遠塵離垢得法眼淨時王頂聚落主見法得法知法深入於法度疑不由於他於正法律得無所畏即從座起整衣服合掌白佛我今已度世尊歸佛歸法歸比丘僧從今盡壽爲優婆塞時聞佛所說歡喜隨喜作禮而去

如是我聞一時佛在力士人間遊行到鬱韋羅住處鸚鵡闍浮林時有竭曇聚落主聞沙門瞿曇在力士人間遊行至鬱韋羅聚落鸚鵡闍浮林說現法苦集苦沒我當往詣彼沙門瞿曇若我詣沙門瞿曇者必爲我說現苦集苦沒即往彼鬱韋羅聚落詣世尊所贊

首禮足退坐一面白佛言世尊我聞世尊常爲人說現法苦集苦沒善哉世尊爲我說現法苦集苦沒佛告聚落主我若說過去法苦集苦沒者知汝於彼爲信爲不信爲欲不欲爲念不念爲樂不樂汝今苦不我若說未來苦集苦沒者知汝於彼爲信不信爲欲不欲

流二

十一

林

爲念不念爲樂不樂汝今苦不我今於此說現法苦集苦沒聚落主若衆生所有苦生彼一切皆以欲爲本欲生欲集欲起欲因欲緣而苦生聚落主白佛言世尊極略說法不廣分別我所不解善哉世尊唯願廣說令我等解佛告聚落主我今問汝隨汝意說聚落主於意云何若衆生於此鬱韃羅聚落住者是若打縛若若責若殺汝心當起憂悲惱苦不聚落主白佛言世尊亦不一向若諸衆生於此鬱韃羅聚落住者於我有欲有貪有愛有念相習近者彼遭若縛若打若責若殺我則生憂悲苦惱若彼衆生所無欲貪愛念相習

近者彼遭縛打責殺我何爲橫生憂悲苦惱佛告聚落主是故當知衆生種種苦生彼一切皆以欲爲根本欲生欲集欲起欲因欲緣而生衆苦聚落主於意云何汝依父母不相見者則生欲貪愛念不聚落主言不也世尊聚落主於意云何若見若聞彼依父母當起欲愛念不聚落主言如是世尊復問聚落主於意云何彼依父母若無常變異者當起憂悲惱苦不聚落主言如是世尊若依父母無常變異者我或隣死豈唯憂悲惱苦佛告聚落主是故當知若諸衆生所有苦生一切皆以愛欲爲根本欲生欲集欲起欲因欲緣而生苦聚落主言奇哉世尊善說如此依父母譬言我有依父母居在異處我日日遣信問其安否使未時還我以憂苦況復無常而無憂苦佛告聚落主是故我說其諸衆生所有憂苦一切皆以欲爲根本欲生欲集欲起欲因欲緣

異者則四憂苦生若三二若一愛念無常變
異者則一憂苦生聚落主若都無愛念者則
無憂苦塵勞即說偈言

若無世間愛念者

一切憂苦消滅盡

當其世尊說是法時揭曇聚落主遠塵離垢

流二

十二

林

則無憂苦塵勞患
猶如蓮荷不著水

得法眼淨見法得法深入於法度諸狐疑不
由於他不由他度於正法律得無所畏從座
起整衣服合掌白佛已度世尊我以超越我
從今日歸佛歸法歸比丘僧盡其壽命爲優
婆塞唯憶持我佛說此經已揭曇聚落主聞
佛所說歡喜隨喜作禮而去

如是我聞一時佛在摩竭提國人間遊行與
千二百五十比丘千優婆塞五百乞殘食人
從城至城從聚落至聚落人間遊行至那羅
聚落好衣菴羅園中時有刀師氏聚落主是
尼捷弟子詣尼捷所禮尼捷足退坐一面余
時尼捷語刀師氏聚落主汝能共沙門瞿曇

作旃藜論令沙門瞿曇不得語不得不語耶
聚落主言阿梨我立何等論爲旃藜論令沙
門瞿曇不得語不得不語尼捷語聚落主言
汝往詣沙門瞿曇所作是問瞿曇常願欲令
諸家福利具足增長作如是願如是說不若
答汝言不者汝當問言沙門瞿曇與凡愚夫
有何等異若言有願有說者當復問言沙門
瞿曇若有如是願如是說者今云何於飢餓
世遊行人間將諸大衆千二百五十比丘千
優婆塞五百乞殘食人從城至城從村至村
捐費世間如大雨雹雨已乃是減捐非增益
也瞿曇所說殊不相應不類不似前後相違

流二

十三

林

如是聚落主是名旃藜論令彼沙門瞿曇不
得語不得不語余時刀師氏聚落主受尼捷
勸教已詣佛所恭敬問訊恭敬問訊已退坐
一面白佛瞿曇常欲願令諸家福利增長不
佛告聚落主如來長夜欲令諸家福利增長
亦常作是說聚落主言若如是者云何瞿曇

於飢餓世人間乞食將諸大眾乃至不似不類前後相違佛告聚落主我憶九十一劫以來不見一人施一比丘有盡有減聚落主汝觀今日有人家大富多錢財多眷屬多僕從當知其家長夜好施真實寂止故致斯福利聚落主有八因緣令人損減福利不增何等

爲八王所逼賊所劫火所焚水所漂藏自消滅抵債不還怨憎殘破惡子費用有是八種爲錢財難聚落主我說無常爲第九句如是聚落主汝捨九因九緣而言沙門瞿曇破壞他家不捨惡言不捨惡見如鐵槍投水身壞命終至地獄中時刀師氏聚落主心生恐怖

身毛皆竖白佛言世尊我今悔過如愚如癡不善不辯於瞿曇所不實欺誑虛說妄語聞佛所說歡喜隨喜從座起去

如是我聞一時佛住那羅聚落好衣菴羅園中時有刀師氏聚落主先是尼捷弟子詣尼捷所禮尼捷足退坐一面余時尼捷語聚落

主汝能共沙門瞿曇作葬葬論令沙門瞿曇不得語不得不語聚落主白尼捷阿梨何等爲葬葬論令沙門瞿曇不得語不得不語耶尼捷語聚落主汝往沙門瞿曇所作如是言瞿曇不常欲安慰一切衆生讚歎安慰一切衆生耶若言不者應語言瞿曇與凡愚夫有何等異若言常欲安慰一切衆生讚歎安慰一切衆生者復應問言若欲安慰一切衆生者以何等故或爲一種人說法或不爲一種人說法作如是問者是名葬葬論今彼沙門瞿曇不得語不得不語余時聚落主受尼捷勸進已往詣佛所恭敬問訊已退坐一面白

流二

十四

林

佛言瞿曇豈不欲常安慰一切衆生歎說安慰一切衆生佛告聚落主如來長夜慈愍安慰一切衆生亦常歎說安慰一切衆生聚落主白佛言若然者如來何故爲一種人說法又復不爲一種人說法佛告聚落主我今問汝隨意答我聚落主譬如有三種田有一種

田沃壤肥澤第二田中第三田瘠薄云何聚落主彼田主先於何田耕治下種聚落主言瞿曇於最沃壤肥澤者先耕下種聚落主復於何田次耕下種聚落主言瞿曇當於中田次耕下種佛告聚落主復於何田次耕下種聚落主言當於最下瘠薄之田次耕下種佛

告聚落主何故如是聚落主言不欲廢田存種而已佛告聚落主我亦如是如彼沃壤肥澤田者我諸比丘比丘尼亦復如是我常為彼演說正法初中後善善義善味純一滿淨梵行清白開示顯現然於彼洲我覆我蔭我趣常以淨眼觀我而住作如

是念佛所說法我悉受持令我長夜以義饒益安隱樂住聚落主如彼中田者我弟子優婆塞優婆夷亦復如是我亦為彼演說正法初中後善善義善味純一滿淨梵行清白開發顯示彼聞法已依於我舍我洲我覆我蔭我趣常以淨眼觀察我住作如是念世尊說

流二

十五

林

法我悉受持令我長夜以義饒益安隱樂住聚落主如彼田家最下田者如是我為諸外道異學尼捷子輩亦為說法初中後善善義善味純一滿淨梵行清白開示顯現然於彼等少聞法者亦為其說多聞法者亦為其說然其彼衆於我善說法中得一句法知其義

者亦復長夜以義饒益安隱樂住時聚落主白佛甚奇世尊善說如是三種田譬佛告聚落主汝聽我更說譬類譬如士夫有三水器第一器不穿不壞亦不津漏第二器不穿不壞而有津漏第三器者穿壞津漏云何聚落主彼士夫三種器中常持淨水著何等器中

聚落主言瞿曇當以不穿不壞不津漏者先以盛水佛告聚落主次復應以何器盛水聚落主言瞿曇當持彼器不穿不壞而津漏者次以盛水佛告聚落主彼器滿已復以何器為後盛水聚落主言以穿壞津漏之器最後盛水所以者何須臾之間供小用故佛告聚

落主如彼士夫不穿不壞不津漏器諸弟子比丘比丘尼亦復如是我常爲彼演說正法乃至長夜以義饒益安隱樂住如第二器不穿不壞而津漏者我諸弟子優婆塞優婆夷亦復如是我常爲彼演說正法乃至長夜以義饒益安隱樂住如第三器穿壞津漏者外道異學諸尼捷輩亦復如是我亦爲彼演說正法初中後善善義善味純一滿淨梵行清白開示顯現多亦爲說少亦爲說彼若於我說一句法知其義者亦得長夜安隱樂住時刀師氏聚落主聞佛所說心大恐怖身毛皆豎前禮佛足悔過世尊如愚如癡不善不辯於世尊所不諦真實虛偽妄說聞佛所說歡喜隨喜禮足而去

如是我聞一時佛住那羅聚落好衣菴羅園中時有刀師氏聚落主尼捷弟子來詣佛所稽首禮足退坐一面爾時世尊告聚落主欲何所論尼捷若提子爲何所說聚落主言彼

流二

十六

林

尼捷若提子說殺生者一切皆墮泥犁中以多行故則將至彼如是盜邪姪妄語皆墮泥犁中以多行故則將至彼佛告聚落主若如尼捷若提子說殺生者墮泥犁中以多行故而往生彼者則無有衆生墮泥犁中聚落主於意云何何等衆生於一切時有心殺生復

於何時有心不殺生乃至何時有心妄語何時有心不妄語聚落主白佛言世尊人於晝夜少時有心殺生乃至少時有心妄語而多時不有心殺生乃至妄語佛告聚落主若如是者豈非無有人墮於泥犁中耶如尼捷所說有人殺生者一切墮泥犁中多習行者將往生彼乃至妄語亦復如是聚落主彼大師出興于世覺想籌量入覺想地住於凡夫地自辯所說隨意籌量爲諸弟子作如是說法言殺生者一切皆墮泥犁中多習行將往生彼乃至妄語亦復如是彼諸弟子若信其說言我大師知其所知見其所見能爲弟子作

如是說若殺生者一切皆墮泥犁中多習行故將往生彼我本有心殺生偷盜邪姪妄語當墮泥犁中得如是見乃至不捨此見不厭彼業不覺彼悔於未來世不捨殺生乃至不捨妄語彼意解脫不滿足慧解脫亦不滿足意解脫不滿足慧解脫不滿足故則爲謗聖

流二

十七

林

邪見邪見因緣故身壞命歿生惡趣泥犁中如是聚落主有因有緣衆生煩惱有因有緣衆生業煩惱聚落主如來應等正覺明行足善逝世間解無上士調御丈夫天人師佛世尊出興於世常爲衆生呵責殺生讚歎不殺呵責偷盜邪姪妄語讚歎不盜不姪不妄語常以此法化諸聲聞令念樂信重言我大師知其所知見其所見呵責殺生讚歎不殺乃至呵責妄語讚歎不妄語我從昔來以愚癡無慧有心殺生我緣是故今自悔責雖不能令彼業不爲且因此悔責故於未來世得離殺生乃至得離盜姪妄語亦得滿足正意解

脫滿足慧解脫意解脫慧解脫滿足已得不謗賢聖正見成就正見因緣故得生善趣天上如是聚落主有因有緣衆生業煩惱清淨聚落主彼多聞聖弟子作如是學隨時晝夜觀察所起少有心殺生多有心不殺生若於有心殺生當自悔責不是不類若不有心殺生無怨無憎心生隨喜隨喜已歡喜生歡喜已心猗息心猗息已心受樂受樂已則心定心定已聖弟子心與慈俱無怨無嫉無有瞋恚廣大無量滿於一方正受住二方三方乃至四方四維上下一切世間心與慈俱無怨無嫉無有瞋恚廣大無量善修習充滿諸方具足正受住尔時世尊以爪甲抄少土語刀師氏聚落主言云何聚落主我爪甲土多大地爲多聚落主白佛言世尊爪甲土少少耳大地土無量無數佛告聚落主如甲上之土甚少大地之土其數無量如是心與慈俱修習多修習諸有量業者如甲上土不能將去

不能令住如是偷盜對以悲心邪姪對以喜心妾語對以捨心不得爲比說是語時刀師氏聚落主遠塵離垢得法眼淨聚落主見法得法覺法知法深入於法離諸狐疑不由於他不隨於他於正法律得無所畏從座起整衣服右膝著地合掌白佛我已度世尊已越

流二

十六

林

世尊我今歸佛歸法歸比丘僧盡其壽命爲優婆塞世尊譬如士夫欲求燈明取其馬尾以爲燈炷欲吹令然終不得明徒自疲勞燈竟不然我亦如是欲求明智於諸愚癡尼捷子所愚癡習近愚癡和合愚癡奉事徒自勞苦不得明智是故我今重歸依佛歸法歸僧

從今以去於彼尼捷愚癡不善不辯者所少信少敬少愛少念於今遠離是故我今第三歸佛歸法歸僧乃至盡壽爲優婆塞自淨其心時刀師氏聚落主聞佛所說歡喜隨喜作禮而去

如是我聞一時佛住舍衛國祇樹給孤獨園

尔時世尊告諸比丘世間有三種調馬何等爲三種有馬捷疾具足色不具足形體不具足有馬色具足捷疾具足形體不具足有馬捷疾具足色具足形體具足如是有三種調士夫相何等爲三有士夫捷疾具足色不具足形體不具足有士夫捷疾具足色具足形體不具足有士夫捷疾具足色具足形體具足比丘何等爲不調士夫捷疾具足色不具足形體不具足有士夫於此苦如實知此苦集此苦滅此苦滅道跡如實知如是觀者三結斷身見戒取疑此三結斷得須陀洹不墮惡趣法決定正趣三菩提七有天人往生究竟苦邊是名捷疾具足何等爲非色具足若

流二

十九

林

有問阿毗曇律不能以具足句味次第隨順具足解說是名色不具足云何形體不具足非大德名聞感致衣被飲食床卧湯藥衆具是名士夫捷疾具足色不具足形體不具足

何等爲捷疾具足色具足形體不具足謂士

夫此苦如實知此苦集此苦滅此苦滅道跡
如實知乃至究竟苦邊是捷疾具足何等爲
色具足若問阿毗曇律乃至能爲解說是名
色具足何等爲形體不具足非大德名聞不
能感致衣被飲食卧具湯藥是名士夫捷疾
具足色具足形體不具足何等爲士夫捷疾

具足色具足形體具足謂士夫此苦如實知
此苦集此苦滅此苦滅道跡如實知乃至究
竟苦邊是名捷疾具足何等爲色具足若問
阿毗曇律乃至能解說是名色具足何等形
體具足大德名聞乃至卧具湯藥是名形體
具足是名士夫捷疾具足色具足形體具足

佛說此經已諸比丘聞佛所說歡喜奉行

如是我聞一時佛住王舍城迦蘭陀竹園
時世間有三種良馬何等爲
三有馬捷疾具足非色具足非形體具足有
馬捷疾具足色具足非形體具足有馬捷疾
具足色具足形體具足於正法律有三種善

男子何等爲三有善男子捷疾具足非色具
足非形體具足有善男子捷疾具足色具足
非形體具足有善男子捷疾具足色具足形
體具足何等爲善男子捷疾具足非色具足
非形體具足謂善男子苦聖諦如實知苦集
聖諦如實知苦滅聖諦如實知苦滅道跡聖
諦如實知作如是知如是見已斷五下分結
謂身見戒取疑貪欲瞋恚斷此五下分結已
得生般涅槃阿那含不復還生此世是名善
男子捷疾具足云何色不具足若問阿毗曇
律不能解了句味次第隨順決定解說是名
色不具足云何形體不具足謂非名聞大德

流二

九

林

能感財利供養衣被飲食隨病湯藥是名善
男子捷疾具足非色具足非形體具足何等
爲捷疾具足色具足非形體具足謂善男子
此苦聖諦如實知乃至得生般涅槃阿那含
不復還生此世是名捷疾具足云何色具足
若有問阿毗曇律能以次第句味隨順決定

而爲解說是名色具足云何非形體具足謂
非名聞大德能感財利供養衣被飲食隨病
湯藥是名善男子捷疾具足色具足非形體
具足何等爲善男子捷疾具足色具足形體
具足謂善男子此苦聖諦如實知乃至得阿
那含生般涅槃不復還生此世是名捷疾具

足何等爲色具足若有問阿毗曇毗尼乃至
而爲解說是名色具足何等爲形體具足謂

名聞大德能感財利乃至湯藥衆具足名形
體具足是名善男子捷疾具足色具足形體
具足佛說此經已諸比丘聞佛所說歡喜奉
行

雜阿含經卷第三十二

流二

嬰兒上一聲去聲妓渠倚反嬉戲上許之反鎧苦亥反將士
鋒音峯反怨敵上音冤下徒的反胄直又反塵澀下遊字
揭伽又居列反濫郎淡反枯槁考下音考鬱韋下步迷反
旃疾梨二字音飢饉鎮反捐費未反囊蒲角反抵
責下正作側賣反債沃壤上烏肥澤非反瘠薄下汝養肥澤非反

雜阿含經卷第三十三

流三

宋天竺三藏求那跋陀羅譯

如是我聞一時佛住王舍城迦蘭陀竹園尔
時世尊告諸比丘世間有三種良馬何等爲
三謂有馬捷疾具足非色具足非形體具足
有馬捷疾具足色具足非形體具足有馬捷

疾具足色具足形體具足如是於此律有三
種善男子何等爲三有善男子捷疾具足非
色具足非形體具足有善男子捷疾具足色
具足非形體具足有善男子捷疾具足色具
足形體具足何等爲善男子捷疾具足非色
具足非形體具足謂善男子此苦聖諦如實

上才亦反 土地猶於离爪甲巧反抄楚交撓疾葉反

九末

林